

## **KHAWKHENG LAIA TIH TUR LEH TIHLOH TUR TE**

### **Tih tur:**

- Radio,TV leh chanchinbu a thu pawimawh chhuah,zawm tur leh hrihlawkna te ngaihchan thin tur.
- Ruah tlate lo khawl lawk tur ani.
- Tui khuahte chu fur hma in a chhe lai te lo siam that lawk tur.
- Lei hnuai tui awm a lo pun belh theih nan lei thuk taka laihkhuar thin tur.
- Mitin in tui renchem zir tur a ni.
- Thlai leh phulte tan tui khawlsak tur.
- Shower aiah bucket hmanga inbual uar tur.
- Tui luanthir lo in chhuat tihfai nan puan huh hmanga nawh thin tur.
- Tui hmangtlem tur ek-in siam tur.
- Tui khawlna leh a herh hawnate a chhia in tui a far chhuak em tih en fo tur a ni.
- Tui a ren thei ang ber in hmannawn fo tur a ni.
- Mamawh bak a tui hmanloh in zirtir ngun tur a ni.
- Ramngaw ah heng tui hna siamthei thingkungte hi phun uar tur a ni.(subabul, seemaruba, casurina,eucalyptus)
- Jetropha leh pongomia te hi phun uar sauh tur a ni.

### **Tihlohturte:**

- Tui khawh ralloh tur.
- Thingkung leh ramngaw tih chereu loh tur.
- Inchung a tui khawlsate khawhral tir loh tur.
- Tui lo put te chu khawhral tir loh tur.
- Ha nawhlai,insuk,thlengsil laite in tui khawhral tir loh tur.
- Tui pipe off theihloh hmanuar loh tur.

### **Loneituten Khawkhenglaia tih tur leh tihloh tur te:**

#### **Tih turte:**

- Tui khawl uar tur.
- Tui khuahte chu fur hma in a chhe lai te lo siam that lawk tur.
- Thlai variety tha khawkheng pawh a buailo tur chin uar tur.
- Thingkung,hnimbuk,phaitual hnim khawkheng do thei tur phun hian lei hnawna hloh tur a pui thei a ni.

- Sprinkler method/drip irrigation method kan tihte a tlai lama thlai tui pek uar hian tui kan hmangral tlem a ni.
- Tui renchem dan in zirtir uar tur.
- Tui hna awmna hmun ah thlai tui pek tur lakkhawl thin tur.
- Lo a di te chu thlawhfai a, lei hnawna boruak a ral mai tur vennan lei khuh thin tur.
- Fur hma /khawkhen laia hman tur tui lo khawl lawk thin tur a ni.
- Thlai thar hma chi leh tui mamawh tlem chi chin uar a pawimawh hle.
- Thlai chi tha sem mai tur lo dah khawl lawk thin tur.
- Loneituten thlai bulkhuh (mulching), hlo thlawh (weed control) leh thlai phun pawlh( intercultural Operations)te uar a pawimawh hle.
- Ramngaw ah heng tui hna siamthei thingkungte hi phun uar tur a ni.(subabul, seemaruba, casurina,eucalyptus).
- Ran enkawlten an eitur (fodder) te thahnemtak khawl lawk tur.
- Thlai eichhe thei rannungte chu tih kah hlum thin tur.
- Loneituten Crop insurance tih uar tur a ni.
- Khawkhenlaia nitrogen awm leitha leh micro nutrients te in thlai hnah kah hian a pui thei a ni.
- Cotton chin nahmun ah a tlar a tui pek hmaih loh tur.
- Thlai a bit lutuk chuan phawi then hian lei hnuaia hnawna awm a hip tlem phah a.Thlai tan a tangkai hle.
- Antitranspirants- Kaolin (6%), Cycocel (0.03%), Phenyl Mercuric Acid (PMA)te thlai an mamawh hunah kah thin tur.
- Leitha pek tlema,pek hun sawn hlat thin tur.
- Field leveling, bunding, trenching, terracing leh fallow ploughing te hian tui leh lei chung lang khawhral tur a veng.

**Tihloh tur:**

- Tui mamawh tam thlai chin loh tur.Zinglamah tui pek loh tur.